

Die Äbtissin von Metelen schenkt dem Stift Langenhorst 3 Schillinge jährlich.
 Omnibus presens scriptum inspecturis conventus in Langenhorst eternam in Domino salutem. Notum sit universis Christi fidelibus, quod inclita domina Gertrudis de Benethem, Methelensis ecclesie pia ac devota abbatissa, illud apostolicum in armariolo pectoris sui fideliter revolvens, quod omnes stabimus ante tribunal Jesu Christi singuli, prout in corpore gessimus, rationem redditori, et ob hoc diem extreme messionis nos oportet bonis operibus et elemosinis prevenire ac seminare in terris, quod reddente Domino cum multiplicato fructu recolligere valeamus in celis, quoniam, ut idem ait apostolus: qui parce seminat, parce et metet, et qui seminat in benedictionibus, de benedictionibus metet vitam eternam, pro remedio anime sue redditus trium solidorum Monasteriensium ecclesie nostre imperpetuum habendos comparavit, recipiendos de curte in Harnen. Hanc autem assignacionem fecit de voluntate et consensu totius conventus sub tali promissione, quod custos hos redditus recipiens conservabit et in proxima tertia feria post octavam Trinitatis omnibus tam fratribus quam sororibus in refectorio cibi et potus faciet consolacionem. Nos quoque pie devotionis eius sequentes exemplum, saltem aliqua vicissitudine benignitatem ipsius recompensare volentes, nos et successores nostras in hunc locum nobis succedentes presenti scripto et sigilli nostri testimonio obligamus imperpetuum, quod, quamdiu Dominus eam in hoc seculo corporaliter conservare dignabitur, proxima secunda feria post octavam Trinitatis pulsatis campanis solemnes vigilias et die sequenti missam animarum solempniter celebrabimus, et participem eam omnium oracionum nostrarum fecimus. Postquam vero Deus omnipotens ad eterne beatitudinis requiem animam ab hac luce evocaverit, in die obitus sui solemnes vigilias et in die sequenti missam pro defunctis solempnius, quo possumus, celebrabimus et sic deinceps singulis annis in quolibet anniversario

suo devotissime observabimus et consolacionem antedictam trium solidorum, scilicet in die obitus sui necnon in anniversario, sicut supra habitum est, habebimus a custode; ab ipsa die obitus ipsius corporalem disciplinam ad annum singulis diebus recipiemus pro ipsa et psalmum „Miserere, mei Deus“ quolibet die cantabimus. Ut autem hec a posteris nostris firmiter et inviolabiliter observabitur, presentem cedulam conscribentes sigilli nostri appensione roboravimus. Acta sunt hec anno Domini M^oCC^oXX^oVII^o.

Orig. mit Siegel: Sigillum Sti. Johannis Baptiste in Langenhorst; zu Langenhorst gelegt; nicht im Repert. verzeichnet. — Kopie im Kopiar I S. 55 mit Überschrift: . . . III sol. annuatim de curti Elverkine alias Harnen. Ferner Regest im Kopiar II fol. 33 mit Datum MCCXXXVII.